

Relacionista Publico di AZV Solange Tchong

Ta importante pa informa comunidad riba e uzo di Cannabis medicinal

ORANJESTAD – Desde aña 2009 AZV ta saca su revista informativo. Den e ultimo revista di AZV a observa cu AZV a publica un articulo di Cannabis cu ta ser uza como producto medicinal. Bon Dia Aruba a acerca relacionista Publico di AZV Solange Tchong riba e particularidad aki.

PUBLICACION

Den e edicion di Maart ultimo AZV a emiti un articulo riba Cannabis, unda cu ta splica e aseguradonan riba e tema. E topico aki ta hopi al dia no solamente na Aruba, pero tambe na hopi parti di mundo. A splica cu e ta un topico basta interesante y kier a duna e banda di AZV na Aruba.

Ora AZV a bay informa cerca profesionalnan den area di remedi y e dokternan y paramediconan, AZV a realisa su mes cu e discusion tocante Cannabis como medicina of



Relacionista Publico di AZV Solange Tchong

uzo pa yuda pashent nan pa mehora of drecha su malesa, realmente na Aruba no a keda haci ainda.

DISCUSION

E motibo cu no tabata tin un discusion real, ta debi na e hecho cu Cannabis ta prohibi na Aruba. Esaki no ta nifica cu no ta kere cu un parti di e grupo cu ta kere aden of e otro grupo cu no ta kere cu e uzo di Cannabis den cierto casonan lo ta beneficioso, no por hiba un deliberacion riba e topico aki. Loke AZV kier enfatisa ta cu e discusion riba e punto aki mes no a tuma luga.

Como AZV nan no tin un punto di bista cla riba e topico aki, pero ta kere ta bon pa informa e aseguradonan di AZV, di e motibonan pakico ta kere cu e producto aki no ta conoci na Aruba of no ta ser uza como un medio manera cu e ta den otro paisnan.

INTRODUCI CANNABIS

Den otro paisnan nan ta mas leu y si ta uza Cannabis y e forma con ta uza e producto aki ta ser informa riba dje. e topico aki ta un topico cu bou di tur hende cu ta traha den area di salubridad publico ta importante pa delibera riba dje.

AZV ta kere ta importante pa den area di Salubridad Publico e topico aki no a keda discuti ainda y p'esey ta importante pa trata e topico. Den futuro mester wak si tin suficiente prueba y resultado cu e Cannabis tin su resultado y e ora e di dos paso ta bira cu e ta bira un discusion pa pais Aruba.

Den e proceso aki Minister di Salubridad Publico of otronan ta bay evalua si esaki ta algo cu pro implementa den futuro y ta bay sigui cune y adapt'e riba e lista positivo di AZV pa remedinan cu ta disponibel pa e aseguradonan di AZV. □